

傷
科
彙
纂

傷科彙纂卷十二

蕭山晴川胡廷光耀山甫纂輯

狗咬傷

耀山曰狗類不一其性皆同豺見之跪虎食之醉犬食
番木鱉則死物性制伏如此諸犬皆能咬人若被咬傷
皮破血出腫痛而已惟瘋癩之狗傷人毒如蛇螫皮或
不破血或不出旬日之內人亦發狂叫如犬吠至九死
一生之候不可不急治是犬因毒蛇冬含土伏穴春則
出穴連涎吐於草間犬食之中毒發狂遇人即咬名爲

瘕狗按毒中犬心經者舌出毒中肝經者眼赤毒中脾經者流涎毒中肺經者聲啞毒中腎經者尾垂凡被咬者頂上即有紅髮須先拔去急以通利解毒爲主或用菴木鰲磨水服併選良方治之則無害矣

藏器云犬咬瘡用屋漏水洗更以澆屋簷取滴下土傳之效又云獠犬咬用床脚下土和水傳之炎七壯又方用猪蔞草搗塗之又方以五月五日采一百種草陰乾燒灰和石灰爲團煨研傳犬咬并治金瘡止血皆效又方治犬狂狗咬者乞百家筋

煎汁飲之靈效或刮肉店墪上油膩拌砂糖敷良
千金方治犬咬血出以新汲水洗至血止綿裹之
又方治犬咬傷人用苦酒和石灰傳之或熱湯和
之俱效

肘後方治犬傷人用白礬末納入裏之止痛尤妙
重發者用蔓菁根搗汁服之佳

梅師方治犬咬傷煮地榆汁并爲末傳之效又白
湯服末日三次效忌酒

便民圖纂治狗咬昏悶者浸椒水調莽草末傳之

葛洪方治犬咬傷以薤白搗汁飲之并塗之日三服瘡乃止

寇氏云狗咬傷成瘡嚼杏仁塗之妙或嚼白果仁塗之亦效

葛氏方治犬咬瘡發以黃蠟溶灌入瘡中良

別錄云治狗咬瘡用虎脂油傳之效

經驗方治犬咬用舊屋瓦上刮下青苔屑按之即止又方治狗咬風傷腫痛者用人參置桑柴炭上燒存性以盪覆定少頃爲末摻之立瘥

圖經云見腫消草春生苗葉莖皆紫色高一二尺
葉似桑而光面青背紫治狗咬搗葉貼之良效
日華子治犬咬以熱尿淋洗或嚼秫米傳之並良
陶弘景云治狗咬瘡用烏柿即火薰乾柿餅也搗
爛傳之

肘後方治惡犬咬傷用蓼葉搗泥傳之

千金方治惡犬咬傷以葭蓂子七枚吞之日三服
小品方治惡犬咬傷用虎骨刮末水服方寸匕并
傳之又方用狼骨刮末水服亦效

蘭氏經驗方治惡犬咬傷用左盤龍即人尿也厚封之數日即愈按毒蛇狂狗咬傷莫妙乎此

李時珍曰治獠犬傷發狂刮虎牙末水服方寸匕又云凡被狂犬咬者愈後永不可食葵菜食之即發慎之

蘇恭方傳狂犬傷用蚯蚓泥吸出犬毛神效又方用薯根搗汁飲并末傳之又方用葱莖白搗爛塗之

救急良方治風狗咬傷用雄黃五錢麝香二錢爲

末酒下作二服

本經曰白兔霍即白葛治獠狗毒諸藥莫敵魚治蛇虺蜂蠆等毒

濟急方治風犬咬毒用胆礬末傅之立愈

百一方治獠犬咬傷用生地黄汁飯餅塗之百度乃愈

外臺秘要治狂犬咬人用葇荑根搗傅日三上又方用故梳韭根各二枚水二升煮一升頓服又方用蜈蚣脯爲末水服五分日三服無蜈蚣他蛇亦

可又方用蛭皮頭髮等分燒灰水服

生生編治風狗咬傷用瓦松雄黃研貼即不發

小品方治獒犬傷人飲生薑汁即解或以乾薑末水二匕并以薑炙熱熨之

千金方治獒犬傷毒用烏梅末酒服三錢又方用自死蛇一枚燒焦爲末納入瘡孔中又方用頭垢蛭皮等分燒灰水服一盃口噤者灌之如重發者以頭垢少許納瘡中用熱牛屎封之又方用紫蘇葉嚼傳之

質實談耳云。海角春間犬吸毒輒瘋。被其嚙者。往往孕小犬。彌月腹痛不可忍。多懸梁投井而死。有仙憐之。標靈異於嘉定道院。以示其方。因名集仙宮。宮後嘗有二丐植枯竹一枝。旁覆以椀。數日即生枝葉。逾年成林。道士見而訝之。建瑞竹軒以誌其祥。又發其覆椀。則治瘋犬方在焉。方載桃仁滑石各三錢。硃砂雄黃炙川山甲各二錢。方八三枚。斑貓七箇。麝香五分。共研爲末。每服三分。調以醇酒。凡遇瘋犬。非其夙冤。服之得活。王宗濬題其軒。

云一枝枯竹寄矢蹤直節干雲密影重解說手中
通造化底須歸教葛坡龍以述其事按瘋犬傷人
甚於蛇蠱初或不覺毒即入腹發則如狂似與蓄
血症熱結膀胱似狂非狂相類細繹此方以桃仁
破血滑石利水爲君硃砂鎮驚雄黃解毒爲臣佐
以山甲透經絡通表裏無所不到使以斑貓毒蟲
直達下竅麝香通關搜逐毒物方八即菴本藍子
其性濕熱而能毒狗物受其制而疾得其瘳矣遍
究方書巧妙無逾於此信屬仙方無疑

辨證奇聞云人有爲癩狗所傷者人必發癩如狂之症世人以爲其人必生小狗於腹中此誤傳也因發癩狂人如狗狀見人則咬逢女則踴大小便閉出恭虛努似若生產艱難人遂信腹中生狗不能產而死又謂腹痛者乃小狗內咬也豈不可笑哉其實狗誤食毒物發癩夫犬性最熱或食性熱之物而狂人被所傷熱毒之氣傳染於人最可畏之病也然而得其法以解熱毒則病去如掃逢異人傳授奇方不敢自秘謹傳以救世焉用木鱉子

三箇切片土炒。斑貓七箇去頭足糯米一撮炒生。
大黃五錢劉寄奴五錢茯苓五錢麝香一分各研
細末和勻黃酒調服三錢一服而毒氣全消至神
之方也。毒未淨必須多服數劑忌色慾發物是方
用木鱉斑貓者以犬最畏二物也。況木鱉大涼渴
熱得大黃以迅掃之寄奴善逐惡血尤走水竅佐
茯苓利水更速麝香通竅引斑貓毒蟲攻毒從小
便而出也。病即愈矣。按此方乃太醫院院使錢松
所傳與前方稍異其稱爲活命仙丹非無因也。

梅師方治狂狗咬傷用桃白皮一握水三升煎一升服又方用卮子皮燒研石硫黃等分爲末傳之日三次又方用鼠屎二升燒末傳之

仙傳外科治獠犬咬傷用紫荆皮末沙糖調塗留口退腫口中仍嚼杏仁嚥下毒去則愈

肘後方治獠犬咬傷每七日一發生食蝦蟇臍絕良亦可燒炙食之勿令本人知之自後再不發也袖珍方治風犬傷即用蝦蟇後足搗爛水調服之先於頂心拔去血髮三兩根則小便內見沫矣

又方用蓖麻子五十粒去殼以井花水研膏先以鹽水洗吹痛乃貼此膏

簡便方治獐狗咬傷七日當一發三七日不發乃脫也急于無風處以冷水洗淨即服韭汁一盃隔七日又一盃四十九日共服七盃須百日忌酸鹹一年內忌食魚腥終身忌食狗肉方得保全否則十有九死徐本齋云此法出肘後方有風犬一日咬三人止一人用此得活親見有效

談野翁方凡風犬咬傷不治即死用紅娘子二箇

斑蝥五箇並去翅足若四十歲各加一箇五十歲
各加二箇青娘子三箇去翅足四十歲加一箇五
十六歲加二箇海馬半箇續隨子一分乳香沉香
桔梗各半分酥油少許爲末十歲者作四服十五
歲作三服二十歲作二服三十歲作一服

衛生易簡方云凡風狗咬傷此乃九死一生之病
急用斑蝥七枚以糯米炒黃去米爲末酒一盞煎
半盞空心溫服取下小狗肉三四十枚爲盡如數
少數日再服七次無狗形永不再發矣累試累效

醫方大成用大斑蝥三七枚去頭翅足用糯米一
勺畧炒過去斑蝥別以斑蝥七枚如前炒色變復
去之別以七枚如前炒至青烟爲度去蝥只以米
爲粉用冷水入青油少許空心調服須臾再進一
服以小便利下毒物爲度如不利再進利後肚疼
急用冷水調青靛服之以解其毒否則有傷黃連
水亦可解但不宜服一切熱物也

醫宗金鑑云犬因五臟受毒而成瘋犬故經其咬
必致傷人九死一生之證也初被咬時急就咬處

刺令出毒血以口含漿水吮洗傷處或以拔法拔之或以人尿淋洗拭乾即用核桃殼半邊以人糞填滿罨在咬處上着艾火灸之殼焦糞乾再易灸至百壯以玉真散唾津調敷次日再灸漸灸至三百壯爲度於初灸時即服扶危散逐惡物血片從小水中出若毒物血片堵塞莖中致小水澀滯如淋者即服琥珀碧玉散以通利之被咬之人頂心有紅髮一根速當拔去一法用豆豉研末香油調稠丸如彈子大常揩拭所咬處搗開看豉丸內

若有狗毛茸茸然此係毒氣已出再指至無茸毛
方止甚效始終禁忌必當慎重終身忌食狗肉及
蠶蛹赤豆百日內忌見麻物忌飲酒三年內忌食
一切毒物及房事可常食杏仁以防其毒若治遲
犬毒入心煩亂腹脹口吐白沫者用虎頭骨虎牙
虎脰骨爲末酒調二錢服之若發狂叫喚人聲似
犬聲眼神露白者逆終始犯禁忌不救扶危散以
蟹螯按日數用之如犬咬已竟七日用七個十日
用十個去翅足加糯米同炒去米滑石一兩水飛

雄黃一錢、麝香二分，共研細末。每服一錢，溫酒調下。不飲酒者，米湯調下。琥珀、碧玉散、滑石六兩、甘草一兩、琥珀五錢、青黛八分，共研細末。每服三錢，燈心煎湯調下。又瘋犬咬傷，拔法：用砂燒酒壺兩箇，盛多半壺燒酒，先以一壺上火，令滾無聲，傾去酒，即按在破傷瘡口，拔出污黑血水，滿則自落。再以次壺仍按瘡口，輪流提拔，以盡爲度，其證立愈。玉真散原方：天南星、防風二味等分，今加白芷、白附、天麻、羌活亦等分爲末，除外敷，亦可熱酒沖服。

熱童便調服亦效每用三錢並治破傷中風發瘧
皆效俗傳雞子加斑毛七箇蒸食甚效治痺亦效
孫真人云獠犬嚙惡血未盡灸百壯以後日灸一
壯若不血出刺出其血百日灸乃止禁飲酒猪犬
肉蠶蛹魚腥油膩針灸大成云獠犬傷毒不出發
寒熱速以三姓人灸所咬處及外丘光明二穴穴
在足外踝上七寸五寸等處或針刺出血亦效

馬咬傷

耀山曰馬火畜也壯者曰騊曰兒牝者曰駘曰騾曰草

去勢曰驕。因壯馬力猛驃健，若非驕之以緩其性，人難騎馭。近之非踢則咬，或馬遇未常見之物而驚，謂之錯眼。或絆脫籠絡奔馳而逸，謂之失韁。攔收不慎被咬者，亦有之。其痛甚於他傷，旋即成瘡。按馬齒能拔疔根，其毒可知。且馬汗馬氣皆有大毒，馬口之涎能無毒乎？被其咬傷者，未有不兼受其涎毒也。此外騾大於驢而健於馬，倘或被驢騾咬傷者，治法與馬同。

孫真人方：治馬咬成瘡，用苦低草，即益母草，切細和醋塗之。

醫說治馬咬成瘡用獨顆栗子燒研傅之

肘后方治馬咬成瘡腫痛者用鷄冠血塗之牝馬

用雌鷄牡馬用雄鷄

聖惠方治馬咬人瘡入心者用馬齒莧煮食之

醫學入門治馬咬人瘡取人尿或馬屎燒灰敷之

又方用馬鞭子馬鞭梢及挽手燒灰猪油調俱效

李時珍曰凡馬咬人瘡及馬汗入瘡剥死馬骨刺

傷人毒攻欲死者用馬屎絞汁和猪脂塗之驢涎

入瘡與馬同用冬瓜皮乾爲末敷之煎湯洗亦可

孟詵曰。凡生馬血入人肉中。一二日便腫起。連心即死。昔有人刺馬傷手。血入肉中。一夜致死。其方用粟幹燒灰。淋汁浸洗出。去白沫。乃愈。

肘后方。治馬氣入瘡。或馬汗馬毛入瘡。皆致腫痛。煩熱入腹。則殺人多。飲醇酒至醉。即愈。

經驗方。治馬汗入瘡作痛。用烏梅連核搗爛。以頭醋和傅。仍先刺瘡出去紫血。

集驗方。治馬汗入瘡。用鷄毛灰酒服方寸匕。又方。治刺馬刺傷馬血入瘡。以婦人月水塗之。神效。

千金方治馬汗入瘡或馬毛入瘡腫痛入腹殺人
以冷水浸之頻易水仍飲好酒立瘥又方治馬汗
入瘡腫痛欲死用沸湯溫洗即瘥又方治馬血入
瘡用人糞一鷄子大服之并塗之亦瘥

摘玄方治馬汗入瘡用石灰傅之效

靈苑方治馬汗入瘡腫痛急療之遲則毒深以生
烏頭末傅瘡口效

博濟方治驢馬汗毒所傷瘡腫用白礬飛過黃丹
炒紫等分貼之

又方或驢或騾或馬咬人或骨刺傷取其尿洗之
以糞塗之或飲其糞汁亦佳

經驗方治馬涎入瘡用雄黃白礬各一錢烏梅三
箇巴豆一箇合研以油調半錢傳之良

猪咬傷

耀山曰無豕不成家會字意也天下之猪固家養供膳
之畜雖易地而殊名性總趨下而喜穢本無大毒亦不
噬人逼之大紫偶或反咬傷人者少方故不多惟山中
野猪能傷人豪猪箭亦能射人書無方法若以比類而

施醫藥法亦不相甚遠矣

千金方治猪醬成瘡用松脂煉作餅貼之良

葉氏摘玄方治猪咬成瘡用龜版燒存性研爲細末以香油調和搽之極妙簷溜下泥塗之亦妙

猫咬傷

釋山曰猫乃捕鼠之小獸也狸身而虎面柔毛而利齒每見捲卷之餘拋線之暇或戲弄於堦前或愛玩於膝上倘一朝反面肆其牙爪奈何倏此一方以待不虞

壽域方治猫咬成瘡用雄鼠屎即兩頭尖者燒爲

灰研細油和傳之曾經效驗薄荷汁塗之亦效

鼠咬傷

耀山曰鼠者尖喙善穴短足善竊雖曰無牙穿牆越壁在倉者穀米侵蝕入房者衣衫破裂潛匿於厨者盃盤狼籍誤食其餘者體生鼠瘡偶被其咬者皮破血出欲治其愈者貓麝兩物

按鼠類最毒者莫如鼯鼠李時珍曰鼯乃鼠之最
小者啮人不痛故又名甘口鼠今處處有之陳藏
器曰鼯極細卒不可見食人及牛馬等皮膚成瘡

至死不覺爾雅云有螫毒左傳云食郊牛角者皆此物也博物志云食人死膚令人患惡瘡醫書云正月食鼠殘多爲鼠瘻小兒下血者皆此病也治之之法以猪膏摩之及食狸肉爲妙鼯之爲物雖微其爲人害甚大故詳述之

趙氏方治鼠咬成瘡用貓頭燒灰油調傳之以瘥爲度又壽域方以貓屎揉之即愈

經驗方治鼠咬成瘡用麝香封之妙

救急湯方治鼠咬成瘡用貓毛燒灰入麝香少許

唾和封之。貓鬚亦可。桐油塗之亦效。又能辟鼠。

狼咬傷

耀山曰。綱目云。狼豺屬也。處處有之。北方尤多。南人呼爲毛狗是矣。其居有穴。其形大如犬。而銳頭尖喙。白頰駢脇。高前廣後。脚不甚高。其色雜黃黑。亦有蒼灰色者。其聲能大能小。能作兒啼以魅人。其性善顧而食戾踐藉。其傷人也。治法稍與虎同。

肘后方。治狼傷人。用乾薑末傅之良。

陳藏器云。治狼咬成瘡。用月經衣燒爲末。酒服方

寸匕日三服又云人畜爲虎狼等傷恐毒入內取
芑芒即今之芊芑也用莖雜葛根濃汁服亦可生
搗汁服皆效

摘玄方治狼虎傷人成瘡用水化沙糖一碗服之
并外塗之並效

熊爪傷

耀山曰熊者雄也有猪熊狗熊人熊馬熊各因形似以
爲別也而性輕捷好攀緣上高木冬蟄於穴春月乃出
每升木引氣自快見人則顛倒自投於地其最猛者曰

罷即人熊也。力能拔木，遇人則人立而嚙之，鮮不被其傷者。搜集各方，以脩山居者用。

醫說治熊爪傷人，用獨顆栗子燒灰，研細傳之。

葛氏方治熊爪傷，用粟米嚼爛塗之。

肘后方治熊咬傷，用生鐵水煮令有味，以水洗之。

張文仲脩急方治熊罷傷人，用葫蘆一大把，以水

一升浸漬，更取汁飲，以渣傳之。按葫蘆即陸英生

田野，所在有之。春抽苗，莖有節，節間有枝，每枝五

葉，大如水芹，花白，子初青如綠豆顆，每朵如盞面。

大平生有一二百子十月方紅熟

虎噬傷

耀山曰格物論云虎山獸之君也狀如猫而大如牛黃質黑章鋸齒鉤牙爪鬚健而尖舌大如掌生倒刺項短鼻艷夜視目有光吼嘯風生百獸震恐或云虎噬物隨月旬上下而齧其首尾其搏物三躍不中則捨之死於虎則爲俵鬼導虎而行食狗則醉狗乃虎之酒也聞羊角烟則走惡其臭也虎乃害人之獸而蝟鼠能制之智無大小也凡虎傷者多在頸項必有深孔數箇黑爛而

蛇傷 孫真人海上方歌訣

若人苦被毒蛇傷 獨蒜原來力甚良

切作片兒遮患處 艾燒七炷便安康

蜈蚣蛇蠍傷

蜈蚣蛇蠍毒非常 咬着人時痛莫當

我有靈丹隨手好 自然薑汁和雄黃

犬傷

犬傷何必苦憂煎 我有仙方只口傳

刮取磚青和牛糞 傳于傷處即時痊

傷科彙纂

卷五

七

傳世堂

人遭犬咬痛堪憐

去殼草麻五十圓

爛搗成膏傷處貼

又方虎骨可同傳

顛犬所傷人最苦

雄黃五錢麝五錢

酒調二錢作二服

不服灌鼻亦安然

細辛華撥及雄黃

用酒研來入麝香

不問蛇傷并犬咬

當時吃了便安康

鼠咬

鼠咬肉皮最不良

毒攻疼痛腫難當

急將猫糞填痕內

端的公然不作瘡

補遺

耀山云按症立方配以君臣佐使行經入絡各有專能合而成功果稱神奇然藥有單行獨效者其功勝倍其藥最廣蓋以群藥而療一症不若一味而治多病爲簡便也古云多品合丸其力不專俗云識得單方一味可以氣殺名醫是集凡閑損傷咬傷者古方備錄似屬無漏外有先世秘傳以及名家口授試驗之方法古證今重爲攷訂詳其根葉枝苗叙其性效功能一一補述非敢云全聊以備選庶使閱之者無復遺憾也

水在井泉初汲者曰井華水在江河新汲者曰新汲水治墜損腸出冷噴其身面則腸自入金瘡血出不止冷水浸之即止又故布醺熱湯會之亦止犬咬血出以冷水洗至血止綿裹之効屋漏水洗亦効打傷眼睛突出一二寸者以新汲水灌漬睛中數易自入蠍螫傷以水浸故布搨之暖即易之愈熱湯漬之亦愈蛇繞不解熱湯淋之即解磨刀水治蛇咬毒攻入腹猪槽水療蛇咬瘡浸之赤土山土也主湯火傷研末塗之或井底泥塗之

或醋調黃土塗之並效黃土者掘地三尺下土也
治癩撲欲死黃土蒸熟布裏熨之杖瘡未破乾黃
土與童便入鷄子清調塗乾則易之地上土治蜈
蚣蠍蜂蟻螫傷蛆蚓尿名六一泥治蛇犬蜈蚣
咬傷尿坑泥治蜂蠍諸蟲咬取塗之床脚下土治
獒犬咬和水傳之灸七壯簷溜下泥治猪咬蜂螫
蟻叮蛇傷毒並取塗之土蜂窠驢尿泥並塗蜘蛛
咬門臼塵香爐灰並止金瘡血田中泥燒作瓦屋
上年深者獸頭瓦研末塗湯火傷牆脚下便溺處

瓦醋煨爲末酒服治折傷接骨神効

黑鉛治蛇蟻所咬炙熟熨之鉛性又能入肉故女子以鉛珠紆耳即自穿孔實女無竅者以鉛作鍼逐日紆之久久自開凡人諸竅被傷而閉塞者以鉛針紆之無不通矣

赤銅屑能鐸人骨及六畜有損者細研酒服直入骨損處後六畜死猶有鐸痕可驗又定州崔務墜馬折足醫者取銅末和酒服之遂瘥及亡後十年改葬視其脛骨折處猶有銅束之也

自然銅治折傷消瘀血續筋骨昔有人以自然銅
飼折翅胡鴈後遂飛去今人治跌打撲損研細水
飛過同當歸沒藥等分以酒調服仍以手摩痛處
神效恐新出火者有火毒與金毒相煽挾以香藥
之熱毒雖有接骨之功宜防燥散之禍李時珍曰
自然銅接骨之功與銅屑同不可誣也但接骨之
後不可常服即便理氣活血可耳白銅礦菜花銅
皆天生者亦自然銅之類並治傷損續筋骨又錢
花鉶乃鑄錢爐中黃沫煅研盒之能續筋骨

銅鈎鉏即銅熨斗也治折傷接骨搗末研飛和少酒服二方寸匕效

鐵衣即鐵鍔也治湯火傷青竹油磨搽之蠼蝨尿瘡唾涎磨搽之蜘蛛咬蒜磨塗之蜈蚣咬醋磨塗之並効鐵漿鐵漬水之汁也治蛇咬虎狼毒刺惡蟲等齧服之毒不入內也蕪鮮諸毒入腹

玉有五色漢朝者古能療金瘡摩癰痕昔獻帝遭李淮亂被傷伏后刮玉釵以覆于瘡應手即愈又王莽遺孔休玉曰君面有疵美玉可以滅癰

雄黃能殺百毒辟百邪人佩之鬼神不敢近入山林虎狼伏涉川水毒不敢傷雌黃亦殺蜂蛇毒

無名異川廣山中小黑石子也治金瘡折傷止痛接骨昔人見山鷄被網損其足脫去啣一石摩其損處遂愈人因傳之按物理小識云無名異出西海州燒炭之下百木之精也一名藥木膠胡人折鷄脰磨酒沃之逡巡能行是則無名異有石者木者兩種又蜜栗子如蛇黃而有刺上有金線纏之紫褐色亦無名異之類也治金瘡折傷皆有效

花乳石一名花藥石刮末止金瘡血以硫黃製爲散治一切金刃箭簇傷及打撲傷損狗咬至死者以藥摻傷處其血化爲黃水再摻便活更不疼痛如內損血入臟腑煎童便入酒少許熱調一錢服立效牡蠣抵傷腸出不損者急納入桑白皮線縫之摻藥血止立活此石之功非尋常草木之比也石灰陳久者良千年者佳療金瘡止血大効古墓中石灰名地龍骨以大黃製爲桃花散止血第一水龍骨即船船油石灰治金瘡跌撲傷損破皮出

血燉過研細水飛，搽之即愈。又名敗船茹，刮末治金瘡，功同牛胆石灰。按李時珍曰：石灰乃止血之神品也，但不可著水，著水恐即腐爛。

代赭石，血分藥也。火燉醋製，內服平肝，外敷止血，金瘡血長肌肉。

菩薩石，其質六稜，大如棗，栗映日瑩潔，小者如櫻，五色粲然，亦石英之類也。消撲損瘀血，水磨服之。蛇蟲蜂螫、狼犬毒箭等傷，並研末傅之。

滑石，發表利水，行滯逐凝，血止金瘡血出。

石膏即畫家所用之大青治折跌癰腫金瘡不瘳
石蠶生海岸石旁狀如蠶其寔石也治金瘡止血
生肌有效

石油色如肉汁作雄硫氣鍼箭入肉藥中用之
鹽藥生海西南雷羅諸州山谷似芒消末細入口
極冷治蛇虺惡蟲藥箭鏃毒並摩傅之甚者水化
服又解獨白草箭毒按獨白草即草烏也
特蓬殺味苦寒無毒主折傷內損瘀血煩悶欲死
者酒消服南人毒箭中人及深山大蝮傷人速將

病人頂上十字瘡出血，水藥末敷之，并傳傷處當上下出黃水數升，則悶解。俚人重之以竹筒盛帶於腰，以防毒箭出。賀州山內石上形如碎石，乃砲砂之類也。

半邊蓮，小草也，生陰濕地，細梗引蔓，節節生細葉，秋開小花，淡紅紫色，止有半邊如蓮花狀，故名。又呼急解索，治蛇虺傷，搗汁飲，以滓圍敷之。又鬼白，名獨腳蓮，亦治蛇毒，并射工中人，或有謂半枝蓮者，諸書無攷，恐俗傳之訛也。

蛇含草治蛇虺蜂毒蜈蚣蠍傷及金瘡出血並搗
傳之昔有田父見一蛇被傷一蛇含一草著瘡上
經日傷蛇乃活而去田父因取草治蛇瘡皆驗遂
名蛇含草也其葉似龍牙而小背紫色故俗名小
龍牙又名紫背龍牙當用細葉有黃花者佳人家
種之辟蛇抱朴子云蛇含膏能連斷指方俟考
蠶繭草生濕地如蓼大莖赤花白治諸蟲如蠶類
咬人恐毒入腹煮服之亦可搗傳

蛇繭草生平地葉似苦枝而小節赤高一二尺種

之辟蛇治蛇虺毒蟲等螫取根葉搗傳咬處當下
黃水愈閩東一種狀如芋莖方節赤授傳蛇毒如
摘亦似蛇蒴草又一種草莖圓節赤似芋亦傳蛇
毒皆同類異種也

蛇莓草附地蔓生節節生根每枝三葉葉有齒刻
開小黃花結實鮮紅搗汁飲治射工溪毒傳蛇傷
及湯火傷

蛇床子能散踢撲瘀血煎服湯洗皆可
蛇眼草生古井中及年久陰下處形如淡竹葉背

後皆是紅圈如蛇眼狀治蛇咬搗爛傳患處蛇魚草其苗葉未詳治金瘡血出不止搗傳之

草犀根生衢婺洪饒間及嶺南海中苗高二三尺獨莖對葉而生如燈臺草根若細辛治虎狼蟲虺所傷溪毒野蟲惡刺等毒並宜燒研服之臨死者亦得活其解毒之功如犀角故名草犀生水者名水犀

菴蘭子葉似菊葉而薄多細了面背皆青高者四五尺其莖白色如艾莖而粗八九月開淡黃細花

細實如艾實，實中有細子，極易繁衍。藝花者以之接菊，人家種之辟蛇。搗酒飲，治閃挫腰痛。孫思邈千金翼，韋獨行方主，跌折瘀血，並單用菴蘭子煮汁服，亦可末服。今人治打撲，多用此法，或飲或散，其效最速。

滴滴金，即金沸草，其葉搗傳金瘡出血。野鷄冠，即青箱子，其莖葉止金瘡血。

鐵掃帚，一名蚤實，生荒野中，就地叢生，一本二三十莖，苗高三四尺，葉中抽莖，開花結實，根細長黃。

色可作刷故名其實止金瘡血傳蛇蟲咬

牛旁子之根葉搗碎傳杖瘡金瘡永不畏風又名惡實處處有之葉大如芋葉而長實似葡萄核而褐色根有極大者可作菜茹

蒼耳子之莖葉搗汁服治溪毒和酒服治沙蟲射工等所傷煮酒服治狂犬咬毒其葉似胡荽白花細莖蔓生可煮爲茹滑而少味

豨薟草搗爛傳虎傷狗咬蜘蛛咬蠶咬蠅咬尿瘡此草氣臭如豬而味蒼故謂之豨薟又名虎膏狗

膏皆因其氣似及治虎狗傷也

天南星治金瘡折傷瘀血生搗傳之又塗蛇蟲咬
毒皆效

半夏生搗止金瘡血傳打撲腫消瘀滯痕能治五
絕急病五絕者縊死溺死壓死凍死驚死並以半
夏末納入鼻中心溫者一日可活也按南星半夏
亦能散血故破傷打撲皆主之

菩薩草生江浙州郡凌冬不凋秋冬有花直出赤
子如蒟蒻頭冬月采根治諸蟲傷搗汁飲并傳之

玉簪花葉治蛇虺螫傷搗汁和酒服以渣傅之中
心留空洩氣

蓴麻草生江寧山野中其莖有刺高二三尺葉似
花朵或青或紫背紫者入藥上有毛芒觸人如蜂
螫螫以人溺濯之即解治蛇毒搗爛塗之

坐桴草生江西及滁州六月開紫花結實采其苗
入藥治打撲傷損能惜人食其心則醒

押不蘆草形似人參生漠北回回地酒服少許即
通身麻痺加以刀斧亦不知後以少藥投之則醒

昔華陀能剗腸滌胃以治疾者必此藥也用於接骨上膠可免痛苦惜其鮮醒之藥不知何物也

茉莉花根以酒磨服一寸則昏迷一日而醒二寸二日三寸三日凡踢損骨節脫臼接骨者用此則不知痛或加羊躑躅菖蒲等藥酒服以接骨上膠者用之因躑躅有大毒藉石菖蒲引入心經遠於麻痺不知疼痛後用人參甘草等剗鮮之正氣足而毒氣退其昏迷即解

八角金盤生江浙諸處本高二三尺秋開細白花

葉如臭梧桐而有八角故名凡跌打損傷疼痛取
近根皮煎服即昏迷不甦身如酒醉次日可愈惟
弱者酌用之本草從新云此藥味苦辛性溫毒烈
其氣猛悍能開壅塞停積虛人慎之

草烏頭形如烏嘴其氣鋒銳宜其通經絡利關節
尋蹊達徑而直抵病所煎爲射罔能殺禽獸非氣
之鋒銳捷利能如是乎凡風寒濕痺宿痰死血是
其專司跌打損傷方中亦有用者昔富陽縣吏不
問跌打閃挫傷在何部用白朮藥一小包約重一

二分酒送服之當即週身趕動次日便愈後有求其方者乃草烏末也

山芝麻即鬧羊花子又名土連翹有大毒能祛皮膚中賊風痛痺一農者以山芝麻用燒酒浸炒研末酒服一匙藥治跌打損傷疼痛難忍求者接踵因此秘以謀生嗣用重禮始得其方然而醫書頻見更添有他藥也按草烏頭山芝麻乃至毒之藥也用之有當果稱神效倘少過劑性命攸關鮮烏頭毒者用飴糖沖湯服之鮮山芝麻毒者煎梔子

湯服之。因羊食而躑躅，故曰鬧羊，亦名羊躑躅。

本草綱目

大蟲杖，即虎杖，治撲損瘀血作痛，及墜跌昏悶，有效。並研末酒服。生田野下濕地，其莖似蒞蓼，其葉圓似杏，其枝黃似柳，其花狀似菊，色似桃花。

合子草，生岸旁，葉尖花白，子中有兩片，如盒子樣。搗傳蛇咬傷，妙。

鮮葛根，搗傳蛇蟲嚙，晉毒箭傷，絞汁飲，治獐狗傷，并末傳之。五月五日午時，取根為屑，療金瘡斷血，按葉止金瘡血，亦效。

貓兒卵即白欽也。治刀箭瘡撲損打傷及湯火傷出惡刺。其苗作蔓莖赤葉如小桑。五月開花。七月結實。根如鷄鴨卵而長三五枚。同一窠。皮黑肉白。一種赤欽。功用皆同。

鵝抱根。生山林下。附石作蔓。葉似大豆。其根形似茱萸。大者如三升器。小者如拳。搗末酒服。解蜜箭藥毒有效。

黃藥子。其莖高二三尺。柔而有節。似藤。非藤。葉大如拳。長三寸許。其根外褐內黃。治蛇犬咬毒。研水

服并塗之。又海藥仁亦治蛇毒破血消腫。

白藥子出原州。苗葉似苦苣。抽赤莖。長似壺蘆蔓。開白花。結子亦名瓜蒌。治刀斧折傷。乾末傅之。能止血痛。會州者葉如白蕨。厥突國者良。潞州者次。羊婆奶一名蘿摩。即江浙之羊角花藤也。其實似角嫩時有白漿。裂時如瓢。其中一子有一條白絨。長寸許。俗名婆婆鍼。綫袋兒。搗子傅金瘡。止血搗汁。傅蛇蟲咬毒。即消。蜘蛛傷。頻治不愈者。搗封二三度。能爛絲毒。即化作膿也。

山慈姑葉如水仙花之葉葉枯後中抽一莖如箭
筭高尺許莖端開花白色亦有紅色黃色者上有
黑點乃衆花簇成一朵如絲組成三月結子有三
稜四月苗枯其根狀如慈姑治蛇蟲狂犬咬傷其
葉治溪毒生瘡

茅針花夏花者爲茅秋花者爲菅二物功用相近
初生茅時謂之茅針按傳金瘡止血花老時茸茸
然置刀傷止痛茅根搗服名茅花湯治撲損瘀血
地榆其生似榆而長初生布地故名功能止血可

作金瘡膏搗汁塗虎犬蛇蟲傷

紫參幽芳也五葩連萼狀如飛禽俗名五鳥花其根止金瘡血生肌定痛

金不換產廣西木本高三尺葉厚有三叉生石隙中味苦性涼治跌打損傷磨濃汁服之又能止血與三七苗名金不換者性味不同

三七又名山漆謂其能合金瘡如漆粘物也一名金不換貴重之稱也生廣西南丹諸州番洞深山中其根似白及者爲參三七有節者謂之水漆此

藥近時始出南人軍中用爲金瘡要藥云有奇功
又云凡杖撲傷損瘀血淋漓者即嚼爛罨之立止
青腫者即消散并治蛇傷虎咬其葉亦治折傷跌
撲出血傳之即止青腫徑夜即散功與根同近傳
一種草春生苗夏高三四尺葉似菊艾而勁厚有
歧尖莖有赤稜夏秋開花花蕊如金絲盤紐可愛
而氣不香花乾則吐絮如苦蕒絮根葉味甘治金
瘡折傷出血及上下血病甚效云是三七而根大
如牛旁根與南中來不類恐是劉寄奴之屬甚易

繁衍

劉寄奴一莖直上，葉似蒼朮，尖長糙澀而深背淡。九月莖端分開數枝，一枝攢簇十朵小花，白瓣黃蕊，如小菊花狀。花罷有白絮，其子細長，亦如苦蕒子。六七月采苗及花子，通用止金瘡血，極效。兼治折傷瘀血在腹內者，及湯火灼傷，並有殊功。按李延壽南史云：宋高祖劉裕，小字寄奴，微時代荻新州，遇一大蛇射之，明日往聞杵臼聲，尋之見童子數人皆青衣，於榛林中搗藥，問其故，答曰：我主爲

劉寄奴所射今合藥傳之裕曰神何不殺之曰寄奴王者不可殺也裕叱之童子皆散乃收藥而反每遇金瘡傳之即愈人因稱此草爲劉寄奴

山蕎麥即赤地利又名五毒草莖赤葉青似蕎麥葉開白花亦如蕎麥結子青色根若菰莢皮紫赤肉黃赤用根醋摩傳蛇犬蟲蠶毒亦可搗莖葉傳之防毒內攻急煮汁飲之

石龍藤即絡石也貼石而生冬夏常青其蔓折之有白汁其葉細而厚實黑而圓有圓葉尖葉兩種

功用皆同治蝮蛇瘡毒心悶者煎汁服并洗之刀
斧傷瘡爲末傳之立瘥

甜藤葉生江南山林下蔓如葛味甘寒無毒煎汁
服治剥馬血毒入肉搗爛傳蛇蟲咬傷

苦芙凡物穉曰芙此物嫩時可食故以名之初生
有白毛入夏抽莖有毛開白花甚繁結細實燒灰
療金瘡極驗

清風藤一名青藤生台州天台山其苗蔓延木上
四時常青治風濕麻痺損傷腫痛酒浸服

紫金藤又名山甘草生福州山中春初單生葉青色至冬凋落其藤似枯條采皮晒乾用消損傷瘀血煎汁服之

折傷木生資州山谷藤繞樹木上葉似莽草葉而光厚采莖治傷折筋骨疼痛散血補血酒水各半煮濃汁飲之

落鴈木生南海山野中蔓生四邊如刀削藤高丈餘葉形如茶無花實取莖葉治折傷內損諸疾煮汁服之

每始王木生資州藤繞樹木上葉似蘿藦葉治跌打傷折筋骨能生肌破血止痛以酒水各半煮濃汁飲之

千里及藤生道旁籬落間葉細而厚宣湖間有之搗爛傳狂犬毒蛇咬傷

風延莓生南海山野中蔓繞草木上細葉治蛇毒溪毒瘴氣並宜煎服

萬一藤生嶺南蔓如小豆一名萬吉主蛇咬杵末水和傳之

紫背浮萍晒乾爲末，傳湯火傷瘡，煎汁和酒服，治打撲損傷。

田字草，生淺水，葉四分，故俗名天打頭。治蛇毒入腹者，搗汁飲之。又田雞草，即鹹酸草，能活死蛙，得名。生陰地，葉比花草子細小，治損傷，搗爛挫之。

蜚蠊藍，葉如藍，蜚蠊好居其下，故名。又名地菰。一名天名精，俗名鼓槌頭草，根曰土牛膝，主金瘡止血，解惡蟲蛇螫毒。按以傳之立効，異苑云：宋元嘉中，青州劉愷射一麋，剖五臟，以此草塞之，蹶然而

起、愴、怪、而、拔、草、便、倒、如、此、三、度、愴、因、密、移、此、草、種、
之、主、折、傷、愈、多、人、故、又、名、劉、愴、草、

鳳仙花毒草也、蟲、蠹、不、食、葉、蜂、蝶、不、近、花、故、人、家、
種、之、以、辟、蛇、虺、花、白、者、良、治、蛇、傷、搗、酒、服、之、其、毒、
即、解、根、葉、治、杖、撲、腫、痛、搗、爛、塗、之、功、能、散、血、通、經、
軟、堅、透、骨、俗、名、透、骨、草、者、即、此、花、也、

白芷芳草也、幹、高、五、寸、以、上、春、生、葉、相、對、婆、娑、紫、
色、濶、三、指、許、花、白、微、黃、入、伏、後、結、子、立、秋、後、苗、枯、
二、月、八、月、采、根、暴、乾、用、治、蛇、傷、內、服、外、敷、皆、効、又、

有用鮮白芷者人所不知浙東鑑湖專門治毒蛇
蟲傷以整箇鮮白芷在傷處同水擦洗俟紅腫消
退以雄黃白礬等分爲末油調塗之立效
猴薑又名骨碎補因開元皇帝以其主傷折補骨
碎故命此名內服外敷皆效

當歸治惡血上衝倉卒取效氣血昏亂者服之即
定能使氣血各有所歸當歸之名因此凡傷胎去
血金瘡去血拔牙去血一切去血過多心煩眩暈
悶絕不省人事當歸二兩川芎一兩每用五錢水

七分酒三分煎七分熱服如妊娠傷動服此探之不損則痛止已損便立下故謂神效佛手散

川芎乃血中之氣藥血虛者宜之氣鬱者亦宜之如跌撲舉重損胎不安或子死腹中者川芎爲末酒服方寸匕須臾一二服立出不損者即安

芍藥白者益脾能於土中瀉水赤者散邪能行血中之滯凡跌打損傷方中皆宜用之各有妙處若金瘡血出白者炒黃爲末酒或米飲服二錢仍以末傅瘡上即止良驗

鮮地黃葉如山白菜凡墜墮踉折瘀血內留鼻衄
吐紅皆搗汁飲之如物傷睛突搗爛連渣卷之又
竹木毒箭入肉及獠犬咬傷並可搗汁飲並塗之
其葉亦可搗傳損傷咬傷按張騫朝野僉載云雉
被鷹傷啣地黃葉點之効能蓋本於此蘇沈良方
言列仙傳有山圖者入山折足山人教令服地黃
元參當歸羌活而愈因久服遂度世東坡稱其藥
性中和有補虛益血祛風之功故名之曰四神丹
牡丹皮能消撲損瘀血接續筋骨金瘡內漏瀉血

分之伏火，伏火即相火也。有四物之功，乃傷科之要藥也。

鬱金破惡血，止金瘡。薑黃治撲損瘀血，功用皆相近。但鬱金入心治血，而薑黃兼入脾治氣，又能入臂治痛，理血中之氣可知。

蓬朮消瘀血，止撲損痛，及內損惡血。三稜亦消撲損瘀血，但三稜色白屬金，破血中之氣。蓬朮入肝，兼治氣中之血，爲不同爾。

馬蘭生苗，赤莖白根，紫花長葉，有刻齒狀，似澤蘭。

但不香爾破宿血養新血合金瘡止鼻紅塗蛇咬
皆有殊功

鹿蹄一名秦王試劍草葉似莖菜而頗大背紫色
春生紫花結青實如天茄子搗塗金瘡出血并一
切蛇蟲犬咬毒

馬鞭草生下濕地方莖對節葉似益母草開細紫
花作穗如車前穗其子如蓬蒿子治金瘡行血活
血搗爛塗蠅虻尿瘡

豬腰子生郁州蔓生結莢內子若豬之內腎狀酷

似之長三四寸色紫而肉堅治毒箭傷研細酒服一二錢并塗之

老鸛草出齊地味苦辛去風活血踈經絡續筋骨治損傷麻痺等症浸酒服大有殊功又鸛頂草即灰藿之紅心者搗爛塗諸蟲咬成瘡者煎湯洗之鴨跖草一名竹葉菜處處平地有之三四月生苗紫莖四五月開花如蛾形深碧色可愛其花取汁作畫色如黛其葉治蛇犬咬毒搗汁服滓塗之葵一名滑菜言其性也凡被狂犬咬者永不可食

食之即發其葉爲末傳湯火傷搗汁服治蛇蠍螫其根搗塗蛇虺螫傷蜀葵苗搗爛塗火瘡燒研傳金瘡蜀葵花有紅白紫褐各色治蜂蠍毒黃蜀葵一名秋葵花葉與蜀葵全殊另一種也葉如草麻葉花大如碗瓣黃色紫心六瓣旦開午收暮落其花浸油塗湯火灼傷其子研酒服治打撲傷損龍葵一名苦葵又名老鴉眼睛草葉如茄葉開小白花黃蕊結子正圓大如五味子其莖葉根並治跌撲傷損消腫散血搗汁服以渣傳之菟葵一名天

葵狀如葵菜而葉大如錢其花單瓣而小止虎蛇
毒搗汁飲之按初虞世古今錄驗云五月五前齋
戒看桑樹下有菟葵至五日午時至桑下呪曰繫
黎乎俱當蘇婆訶呪畢乃以手摩桑陰一遍口嚙
菟葵及五葉草嚼熟以唾塗手熟指令遍再齋七
日不得洗手後有蛇蟲蠍蠚咬傷者以此手摩之
即愈也按此與端午前一日不語尋見葭若祝曰
先生你却在這裏祝畢以柴灰圍記之次早日未
出時仍不語以鑊取出洗淨合丸配象末以出箭

頭之意稍同。然呪祝之法，未可深信。

蓼亦菜類也。其類甚多。有青蓼、香蓼、水蓼、馬蓼、紫蓼、赤蓼、木蓼七種。紫赤二蓼，葉小狹而厚，青香二蓼，葉亦相似而俱薄。馬水二蓼，葉俱濶大，上有黑點。木蓼一名天蓼，蔓生，葉似柘葉。六蓼花俱紅白，子皆大如胡麻，赤黑而共扁。惟木蓼花黃白，子皮青滑。諸蓼並冬死，惟香蓼宿根重生，可為生菜。蓼子煎水浸蝸牛咬毒，其苗搗爛塗狐尿瘡，其葉搗爛如泥，傳惡犬咬傷。水蓼生于淺水澤中，今造酒

家取葉以水浸汁和麵作麴其葉搗敷蛇傷并汁服止蛇毒入腹又海根葉似馬蔘根似菝葜而小亦治蛇咬犬毒酒及水磨服并傳之

威靈仙蔓生莖如釵股花開六出淺紫色或碧白色其根多鬚去衆風通十二經脉朝服暮效同獨蒜香油搗爛熟酒冲服治破傷風病汗出即愈同川烏頭五靈脂共爲末醋糊爲丸如梧桐子大治打撲傷損痛不可忍或手足麻痺時發疼痛者每服七丸鹽湯下忌茶

五爪龍唐本草名烏歆莓其藤柔而有稜一枝一
鬚凡五葉葉圓尖而光有疎齒面青背淡結苞成
簇花大如栗四出結實如龍葵子生青熟紫其根
白色大如指搗之多涎滑根葉通用搗傳諸蟲咬
傷汁和童便銜酒服治跌打損傷取汁即愈

過山龍即茜草生苗蔓延數尺方莖中空有筋外
有細刺每節五葉而造澀其根紫赤色治跌撲傷
折瘀血此藥專于行瘀活血故又名血見愁
血見愁又名草血竭田野寺院及階砌間皆有之

小草也就地而生赤莖黃花黑實狀如蒺藜之朵
斷莖有汁俗名紅筋辨莧也治金刃撲損出血能
散血止血研爛塗之按子不語言京師徽州會館
范姓爲鬼所祟夜半疑盜呼奴起奴即揮刀斫之
誤傷主人渾身血流不止奄奄待斃有吳姓蒼頭
教採墻下血見愁草傳之血止遂甦後蒼頭洩于
墻下被鬼責曰與你何干而賣弄血見愁耶可見
藥草有靈而鬼亦無能爲也

金瘡小草止金瘡血取葉按傳之或和石灰杵爲

九日曬乾刮末傳之煮汁服斷血瘀生江南村落
田野間下濕地高一二寸許如薺而葉短春夏間
有淺紫花長一粳米許

井中苔及萍藍療湯火傷灼瘡因菜藍既以解毒
在井中尤佳

葩草味辛無毒主治折傷金瘡

唐夷草味苦無毒主療踠折但不知其何形色也

金莖草味苦平無毒治金瘡內漏一名葉金草

火焰草一名景天療金瘡止血亦塗蛇蝥

兔肝草初生細葉軟似兔肝一名鷄肝味甘平無毒治金瘡止血

千金鏹生江南高二三尺主蛇蠍蟲咬毒搗傳瘡上生肌止痛

盧藥生胡國似乾茅黃赤色味鹹溫無毒主折傷內損生膚止痛諸損血病水煮服之亦搗傳傷處秘要治墜馬內損取盧藥末一兩牛乳一錢煎服皆愈盧音殢盧崩損也

胡堇草生密州東武山田中枝葉似小堇菜花紫

色似翹軺花一枝七葉花出兩三莖春采苗搗汁
塗金瘡凡打撲損傷筋骨腫痛同松枝乳香亂髮
灰花桑炭共搗爲丸彈子大每酒服一九痛止
撮石合草生眉州平田中莖高二尺以來葉似穀
葉十二月萌芽二月有花不結實其苗味甘無毒
療金瘡

露筋草生施州株高三尺以來春生苗隨即開花
結子碧綠色四時不凋其根味辛澁性涼無毒主
蜘蛛蜈蚣傷焙研以白礬水調貼之

九龍草生平澤結紅子如楊梅其苗解諸毒凡折傷骨筋者搗卷患處蛇虺咬傷者搗汁入雄黃二錢服其痛立止。

荔枝草治蛇咬犬傷及破傷風取草一握約三兩以酒二盞煎一盞服取汗出效。

爵牀一名香藎原野甚多方莖對節與大葉香藎一樣但香藎搓之香氣而爵牀搓之不香微臭以此爲別俗名赤眼老母草治杖瘡搗汁塗之立瘥天芥菜生平野小葉如芥狀味苦一名鷄病粘治

蛇傷同金沸草入鹽搗傳之

山枇杷柴草藥也治湯火傷取皮焙研蜜調傳之

辟虺雷出川中根似蒼朮解蛇毒有威故曰雷

阿兜只出西域狀如苦參治打撲傷損及婦人損胎用豆許嚥之自消

阿息兜出西域狀如地骨皮治金瘡膿不出嚼爛塗之即出

奴哥撒兜出西域狀如桔梗治金瘡及腸與筋斷者嚼爛傳之自續也

黃麻根及葉，搗汁服，治過打瘀血、心腹滿、氣短及
跣折骨痛不可忍者。

苧麻，剥取其皮，可以績紵緝布。其根，晉毒箭及蛇
蟲咬，其葉治金瘡折傷、血出、瘀血。

鬼油麻，即漏蘆也。此草秋後即黑，異於衆草，故有
漏蘆之稱。治撲傷、續筋骨、止血生肌。

大薊、小薊二草，雖相似，功力有殊。葉並多刺，花如
髻，心中出花頭，如紅藍花，而青紫色。北人呼爲千
針草。但大薊高三四尺，葉皺；小薊高一尺許，葉不

皺以此爲異。大薊治撲損瘀血作運，研酒服之。小薊搗合金瘡，及蜘蛛蠍毒服之亦佳。

大接骨草、小接骨草功用皆同。莖葉全殊。大接骨草春生苗，莖葉皆紫色，高一二尺，葉似桑而光面，青背紫赤，與見腫消相似，疑是一物也。小接骨草生陰地，莖青白色，又名白接骨，葉如薄荷，根如玉竹而無節，搗爛黏如膠，俗名落得打，並治跌打閃挫、傷筋動骨，並用根內煎服，外搗敷有效。四季花，又名接骨草，花小，葉細，色白，午開子落，其枝葉搗

汁可治跌打損傷。又山蒟藳攀倒甌，俱名接骨草。然有接骨之名，惜無接骨之方。又云續斷亦名接骨，以節節斷皮黃皺者真。治金瘡內漏，續折傷筋骨，止惡血腰痛。外敷內服皆可。

金桔欖，產於廣西，乃藤根也。形如澤瀉，味苦性大寒，能解毒。一切蛇蠍毒蟲咬傷，磨塗痛立止。

透骨草，生田野間，春長，苗高尺餘，莖圓，葉尖有齒，至夏抽三四穗，花黃色，結實三稜，類蓖麻子。五月採苗，治筋骨疼痛拘攣，有透骨搜風之功，故名。

龍舌草生南方池澤中葉如菰抽莖出水開白花
根生水底似胡蘿蔔而香治湯火灼傷搗塗之
兔兒酸一名穿地鱗所在田野皆有之苗比水荳
矮短節密葉亦稠而瘦小可作菜食根赤黃色有
節治傷筋折骨今人接骨藥中多用之

葦葦菜生田野中苗初塌地至夏葉間攢葦開紫
花結三瓣角兒其子如芥而小茶褐色其角類箭
頭故一名箭頭草根生蛇蟲傷毒大效

綠頭粉治湯火傷兼能接骨昔汴州市民陳汾素

奉觀音甚虔，出游跌折一足，痛苦叫號。菩薩夜夢一僧登門，問所苦。汾曰：「不幸損一足，貧乏不能延醫。」僧曰：「不用過憂，吾有一方，乃接骨膏，正可治汝。」便買綠頭粉於新鍋內炒令紫色，新汲水調成稀膏，厚敷傷處，徧滿貼以白紙，將杉木皮縛定，其效如神。言訖不見。汾寤如法修合，用之即愈。

紅麴本草不載法，出近世。以白粳米淘浸作堆，覆以布帛，候熟即開攤晒。如此數次，其米蒸變為赤鮮紅，可愛。釀酒破惡血，行藥勢，治打撲損傷效。

米醋又名苦酒。五穀及諸果皆可釀入藥用。米醋爲其殺氣全也。凡跌打損傷及金瘡出血昏運者，室中用火炭盆沃以醋氣爲佳。蓋酸益血也。又醋磨雄黃塗蜂蠆毒亦取其收而不散之義。

豆醬按醬者將也能制食物之毒如將之平暴惡也。故聖人不得其醬不食亦兼取其殺飲食百藥之毒也。醬多以豆作純麥者少入藥當以豆醬陳久者良。治蛇蟲蜂蠆等毒汁灌耳中治飛蛾蟲蟻入耳塗獠犬咬及湯火傷灼未成瘡者有效。

飴醴乃糯粳秫粟麥麻並堪熬造惟以糯米作者
入藥釋名云醴之清者曰飴稠者曰飴治打損瘀
血者熬焦酒服能下惡血按集異記云刑曹進河
朔健將也爲飛矢中目拔矢而鍼留於中鉗之不
動痛困俟死忽夢胡僧令以米汁注之必愈廣詢
於人並無悟者一日一僧丐食肖所夢者叩之僧
云但以寒食飴點之如法用之清涼頓減酸楚至
夜瘡痒用力一鉗而出旬日乃瘥

酒糟凡糯秫菽粟麥皆可蒸釀酒醋熬煎飴飴化

成糟粕入藥須用酒糟而未榨乾者加少鹽收之
罽撲損瘀血傳蛇咬蜂叮毒按酒糟有翹藥之性
能活血行經止痛故治傷損有功

葱一名和事草其莖白塗刺犬咬制虻蚋毒其葉
煨研傳金瘡水入鞞腫鹽研傳蛇蟲傷及中射工
溪毒煨葱治打撲損傷見傳信方云昔李相席間
按毬傷拇指并爪甲劈裂遽索金創藥裹之強索
飲酒而面色愈青忍痛不止有軍吏言用新葱煨
火煨熟卷之三易面色却赤云已不痛凡十數度

用熟葱并涕纏裹其指遂畢席笑語又經驗方云石城尉因試馬損大指血出淋漓用此方再易而痛止翌日洗面不見痕跡又宋推官鮑縣尹皆得此方每有殺傷氣未絕者亟令用此活人甚衆又凡損傷皮破血出而患破傷風者或患破傷濕者身發寒熱面目腫脹手足牽搐即取連鬚葱搗爛炒熟罨之立愈又蒼葱野葱也山原平地皆有之生沙地者名沙葱生水澤者名水葱療諸惡蠱蛇尿刺毒山溪中沙蟲射工等毒煮汁浸或搗傳大

效亦兼小蒜茱萸輩不獨用也

薑能疆禦百邪故謂之薑初生嫩者曰子薑宿根
謂之母薑鮮者曰生薑晒過謂之乾薑也生薑治
跌撲損傷搗汁和酒調生麵貼之如閃拗手足者
生薑同葱白搗爛和麵炒熟齏之如刀斧金瘡用
生薑嚼爛傅之勿動次日即生肉甚妙如虎傷人
瘡內服生薑汁外以汁洗淨用白礬末傅之如猢
猻傷人飲生薑汁其毒即解如蝮蛇螫人搗生薑
傅上乾即易之如蜘蛛咬人切生薑片貼之乾薑

治虎狼傷人研末傅之如獺狗咬人急服乾薑末
二匙并以薑炙熱熨之又乾薑同雄黃等分爲末
袋盛佩之遇蛇蠍螫咬即以傅之便安又生薑葉
同當歸爲末亦治打傷瘀血溫酒服之即愈

蒜有大小二種功用大畧相同大蒜治金瘡中風
角弓反張取蒜用酒煮極爛連滓服之得汗即瘥
射工溪毒切蒜片貼上灸之蛇虺螫傷嚼蒜封之
蜈蚣螫傷以蒜摩之小蒜亦治水毒射工中人或
煎湯浴或切片貼灸之蛇蠍蜈蚣螫人或搗汁服

之或嚼爛塗之。蚰蜒入耳以汁滴之皆效。昔華陀見人病噎食不得下。令取餅店家蒜齏飲之立吐一蛇。又夏子益奇疾方云。人頭面上有光。他人手足近之如火熾者。用蒜汁和酒服之。當吐出如蛇狀。觀此蒜乃吐蠱要藥。以治蛇虺蠱傷并患水毒入腹閉悶者服之無不立效。

薤白其藥類葱而根如蒜與蜜同搗塗湯火傷效。韭汁和童便服治損傷血病亦塗蛇蝎惡蟲毒。藕花曰蓮其葉曰荷其根曰藕搗膏罾金瘡并折

傷瘀血積在胸腹唾血無數者乾藕爲末酒服一匙二服即愈墜跌積血心胃嘔血下血者用乾蓮花爲末酒服一匙其效如神惡血攻心悶亂疼痛者以乾荷葉燒存性每服一錢熱童便一盞食前調下利下惡物爲度亦止金瘡血藕節消瘀血解熱毒按宋時太官作血羹庖人削藕皮誤落血中遂散渙不凝故醫人用以破血多效也

慈姑葉一名剪刀草治蛇蟲咬搗爛封之效芥菜子治撲損瘀血腰痛和生薑研爛貼之射工

毒丸服之或搗末和醋塗之隨手有效白者尤良
甜瓜葉治打傷損折爲末酒服去瘀血神效
苦李核仁治僵仆踈折瘀血骨痛服之蠟螫痛
嚼爛塗之惡刺瘡痛李葉同棗葉搗汁點之

甜杏仁能散能降故解肌散風潤燥消積治傷損
藥中用之治墮傷用杏樹枝一握水一升煮減半
入酒三合和勻分服大效

白梅肉嚼爛傅刺在肉中研爛傅刀箭傷出血
桃仁苦以泄滯血甘以生新血乃手足厥陰經血

分藥也。故破凝血者用之。其功有四。治熱入血室一也。泄腹中滯血二也。除皮膚血熱燥痒三也。行皮膚凝滯之血四也。是傷科之要藥也。

栗子療筋骨斷碎腫痛瘀血生嚼塗之有效。其一。毬三顆中扁者名栗楔生嚼罾惡刺出箭頭。

梨味甘酸無毒切片貼湯火傷止痛不爛。

烏桕柿音士火熏乾者療金瘡火瘡生肉止痛。又治狗咬瘡圓眼核研末止血壳燒灰塗燙火傷效。楊梅樹皮燒灰油調塗湯火傷。楊梅核搗碎如泥。

傳一切損傷止血生肌令無癰痕

櫻桃葉治蛇咬搗汁飲并敷之

胡桃肉味甘氣熱皮瀋肉潤搗碎和酒溫服治壓撲傷損頰服便瘥燒黑研傳火燒成瘡亦效同古文錢嚼碎治閃挫腰痛而方書不載

烏桕樹根白皮煎服通大小便解蛇毒

杉樹皮治金瘡血出及湯火傷灼取老樹皮燒存性研傳之或入鷄子清調傳之一二日愈

降真香折傷金瘡家多用其節云可代沒藥血竭

按名醫別錄云周蜜班被海寇刃傷血出不止筋如斷骨如折用花蕊石散不效軍士李高用紫金散卷之血止痛定明日結痂如鐵遂愈且無癰痕叩其方則用紫藤香瓷瓦刮下研末爾云即降香之最佳者曾救萬人羅天益衛生寶鑑亦取此方云甚效也加五倍子等分爲末名金瘡神效方乳香一名薰陸香其樹類松以斤斫樹脂溢於外結而成圓如乳頭透明者佳狝狝獸常啖之此獸斫刺不死以杖打皮不傷而骨碎乃死觀此則乳

香之治折傷，雖能活血止痛，亦其性然也。楊清叟云：凡人筋不伸者，敷藥宜加乳香，其性能伸。

沒藥亦樹脂也，狀如神香，赤黑色者佳。凡金刃所傷，打損踉蹌墜馬，筋骨疼痛，心腹血瘀者，竝宜研爛，熱酒調服，推陳致新，能生好血。按沒藥大概通滯血，血滯則氣壅，瘀氣壅瘀則經絡滿急，經絡滿急故痛且腫。凡打撲踉蹌跌皆傷經絡，氣血不行，瘀壅作腫痛，且乳香活血，沒藥散血，皆能止痛消腫，故二藥每每相兼而用。

血竭一名麒麟竭乃木之脂液如人之膏血也凡傷折打損一切內傷疼痛並宜酒服其味甘鹹而走血蓋手足厥陰藥也肝與心包皆主血故爾按血竭除血痛爲和血之聖藥是矣乳香沒藥雖主血病而兼入氣分此則專於血分者也

質汗番語也出西番煎乳松淚甘草地黃并熟血成之番人試藥以小兒斷一足以藥納口中將足蹋之當時能走者良治金瘡傷折瘀血內損補筋肉消惡血下血氣止腹痛竝以酒消服之亦傳

病處又茆質汗草藥也。生信州。葉青花白。七月采根。治風腫行血有效。近效方云。土質汗即益母草膏也。益母乃手足厥陰血分藥也。治折傷內損有瘀血。天陰則痛之神方也。又李露國有樹生脂膏。極香烈。名拔爾撒摩。敷諸傷損。一日肌肉復合。亦質汗之類。故附之。

白楊木。葉圓而肥。大有尖。其皮微白。用銅刀刮去粗皮。煎酒服。治撲損瘀血。煎膏可續筋骨。若折傷血滲在骨肉間。痛不可忍者。雜五木為湯浸損處。

五木者桑槐桃楮柳也又移楊木葉圓而弱治踠損瘀血痛不可忍取白皮火炙酒浸服之又松楊木其材如松其身如楊葉如梨葉其木亦治折傷能破惡血養好血又水楊木即青楊木也葉長而細又名蒲柳其皮及根治金瘡痛楚水煎服之柳小楊也枝弱垂流故謂之柳葉狹長而青其華謂之絮止金瘡血其葉煎膏長肉止痛續筋骨又檉柳葉細如絲花水紅色其樹脂汁謂之檉乳合質汗藥用之治金瘡

接骨木一名續骨木樹高一二丈許木體輕虛無心斫枝杆之使活花葉如陸英蒴藿輩故又名木蒴藿治折傷續筋骨消瘀血一切血不行或不止並煮汁服

合歡木此樹葉如皂莢及槐極細五月花發紅白色上有絛茸秋實作莢子極薄細所在山谷皆有之其皮治折傷疼痛研末酒服二錢匕和血消腫止痛油調塗蜘蛛咬煎膏續筋骨按合歡木皮屬土補陰之功甚捷長肌肉續筋骨概可見矣與白

蠟同入膏用甚效而外科家未曾錄用何也

桑樹葉搗罾撲損瘀血按爛塗蛇蟲傷服汁解蜈蚣毒燒末傳湯火傷皮中白汁塗金刃所傷燥痛須臾血止仍以白皮裹之甚良又塗蛇蜈蚣蜘蛛傷有驗桑枝漚和酒服治破傷中風桑柴灰傳金瘡止血生肌桑根白皮作線縫金瘡腸出更以鷄血塗之唐安金藏剖腹用此法而愈

穀樹一名穀桑原名楮其皮作紙故紙名楮其實如楊梅搗爛止金瘡血其葉同麻葉搗汁漬蜈蚣

螫傷皮間白汁傳蛇蟲蜂蠍犬咬

槐實名槐角補絕傷火瘡木根皮灸破傷風槐膠亦治破傷風口眼歪腰背強湯飲丸服皆可

榔桐皮治蠶咬毒氣入腹其葉主蛇蟲蜘蛛咬毒搗爛封之海桐花止金瘡血其皮洗損傷皆效紫荆皮即紫荆樹之皮也治傷眼青腫獐犬咬傷并塗蛇虺蟲蠶毒並煮汁服亦可汁洗

金雀花蔓本開黃花小如蛾治跌打損傷上部用橫根臂亦同下部用直根搗爛濾汁衝酒服之按

此本草無考，豈別有名耶？

鬼箭羽，莖上四面有羽如箭，能破陳血，落胎，及產後血咬腹痛，按此能治血運血結血聚，以治鉄打損傷，瘀在內者，無不可用。

買子木，出嶺南邛州小谷中，其葉似柿，治折傷血內溜，續絕補骨止痛，按宋史渠州貢買子木并子，則子亦當與枝葉同功，而本草缺載，無從考訪。蘇木出蘇方國，故名，少用則和血，多用則破血，治撲損瘀傷，研末能續斷指，酒服療破傷風。

松乃木之公也。皮名赤龍鱗。煨灰治金瘡。杖瘡。火瘡。松節治跌撲損傷。松脂治金瘡。猪咬傷。松脂入地。千年成琥珀。能利小便。下惡血。合金瘡。生肌肉。宋高祖時。寧州貢琥珀枕。碎以賜軍士。傳金瘡竹。其類甚多。惟篁竹。淡竹。苦竹入藥。竹肉謂之竹茹。治傷損內痛。婦人損胎。竹油謂之竹瀝。治金瘡中風。婦人胎動。

緋帛乃紅花所染之素絲繒纈也。治墜馬及一切筋骨損者。取其活血破瘀。燒灰亦療金瘡出血。

青布乃靛染之棉布也燒烟熏虎狼咬瘡能出水
煮汁服治毒箭傷人能解毒新者佳炊單布乃墊
蒸籠底之布也治墜馬及一切筋骨傷損張仲景
方中用之

禪褙以渾復爲之故曰禪當其隱處者爲之褙洗
汁飲解毒箭男用女女用男童者良灸熱熨金瘡
傷重亦良又因房驚瘡者燒灰敷之

楮紙燒灰止金瘡血出藤紙燒灰傳破傷出血麻
紙灰止諸失血紙錢灰止血紙煤頭亦止血廁紙

乃出恭擦臂之手紙治獺狗咬傷危在旦夕者檢
有糞者一百張煎湯服之神效余在京時見被獺
狗咬已成瘋者百治不效有人教服此方三四服
尋愈雖則世間之棄物其有功用如此故錄之
撥火杖其上立之炭刮傳金瘡止血生肉吹火筒
治小兒陰被蚯蚓呵腫令婦人以筒吹其腫處即
消

竹簾治蜘蛛尿蠅虻尿瘡取舊者燒灰傳之竹籃
取耳燒灰傳狗咬瘡

白蠟生肌止血定痛補虛續筋接骨按白蠟屬金稟受收斂堅強之氣爲外科要藥與合歡皮同入長肌肉膏中用之神效

紫釰乃紫梗樹上蟲蟻所結之膠也煎汁作胭脂其渣即火漆也治金瘡破積血生肌止痛與麒麟竭大同小異

蜘蛛網乃蜘蛛絲結之網也止血瘡血出昔裴旻山行見蜘蛛結網如疋布引弓射殺斷其絲數尺收之部下金瘡者剪方寸貼之血立止也

壁錢似蜘蛛作白幕如錢貼牆壁間北人呼爲壁
繭乃蟥子窠也止金瘡出血不止

蜚螋治箭鏃入骨之要藥也同炒巴豆搗塗痛定
則痒極而拔之立出此方傳於夏侯鄆鄆初爲閬
州有人額有箭痕問之云從馬侍中征田悅中箭
侍中與此藥立出後以生肌膏傅之乃愈因以方
付鄆云又蜈蚣亦出肉中鍼刺箭鏃又天牛乃諸
樹蠹蟲所化也亦治箭鏃入肉並效

塵蟲一名地蟹又名土蟹蟲也治折傷瘀血焙爲

末每服二三錢。接骨如神。方進士之七釐散酒服。
七釐稱爲神品也。又蜚蠊即蠱蟲。啞血之蟲也。故
能逐瘀血。破血積。若蛇螫九竅有血出者。取蠱蟲
初食牛馬血。腹滿者。二七枚。燒研湯服。效。按此蟲
即藥肆中所謂紅娘子也。

馬肉蛆。搗爛。罨鍼箭入肉。乃具馬肉內之蛆也。
竈壁雞。又名竈馬。治竹刺入肉。取一枚。搗傳之。
吉甬脂。廣州記云。甬生嶺南。蛇頭龜身。水宿亦木
棲。其脂至輕利。以銅及瓦器盛之。浸出。惟鷄卵殼

盛之不漏其透物甚於醍醐治踠跌折傷內損瘀血以脂塗上炙手熱摩之即透而愈

鯉魚目治刺傷風傷水作腫燒灰傳之汁出即愈
鱗魚肉蒸下油以瓶盛埋土中取塗湯火傷甚效
烏鰂骨即海螵蛸也研末傳湯火傷跌傷出血
鮑魚肉即今之乾魚也治墜墮體廢踠折瘀血血痺在四肢不散者煮汁服之體與腿同

海蛇搗塗湯火傷按海蛇即俗云海蜃頭也

螭龜又名負龜乃有力大龜也其血療人毒箭

傷凡中刀箭悶絕者刺飲便安其殼謂之龜筒煮汁服亦治中刀箭毒因南人用焦銅及蛇汁毒作刀箭亦多養此用解其毒水龜血和酒服治打傷以肉搗傅之呬蛇龜腹下橫折能自開闔好食蛇也生研塗撲損筋脉傷又生搗罾蛇咬傷以其食蛇故也其尾辟蛇蛇咬者則刮末傅之便愈其甲燒灰傅人咬瘡爛

鼈甲治撲損瘀血三足者曰能治折傷止痛化血生搗塗之大者曰鼈其甲殺百蟲毒續筋骨小如

錢而腹赤曰朱鼈佩之刀劍不能傷

蟬能接續筋骨生搗冲酒服之外用搗爛炒熟罌之或去殼同黃搗爛微炒納入瘡中筋即連也

海蠃廉謂之甲香煮焙搗碎同沉麝諸藥花物合成謂之甲煎治蛇蜂蠍螫之瘡傳之

鶴乃鶴類也其尾黑故又名黑尻其脚骨及嘴治蛇虺咬煮汁服亦可燒灰末服

陽鳥出建州似鶴而殊小身黑頸長而白其嘴燒灰酒服治惡蟲咬成瘡

鷹鷲鳥也。小者爲鷲，大者爲鷹。其力在骨，燒灰酒服，治傷損，接骨神效。鷲似鷹而大，尾長翅短，其色不一。鷲悍多力，其羽可爲箭翎。其骨治折傷，接斷骨，酒服二錢，骨接如初。鷲鷲類也，似鷹而土黃色，能翔翔水上，捕魚食。江表人呼爲食魚鷹，即詩經之睢鷹也。其骨燒存性，同煅古文錢等，分爲末，酒服一錢，接骨如神。而今醫家罕用，惜哉。

鴈生南海，大如鴈，長頸赤喙，其毛有大毒。入腹即死，其喙帶之殺腹蛇毒。遇蛇蠱刮末敷之立愈。

鷄家禽也。烏雄鷄搗爛，搗折傷塗竹木刺黑雌鷄亦治。踈折骨痛，鷄冠血治。跌撲自縊，鬼擊卒死塗馬咬及蜈蚣蜘蛛咬等瘡。鷄血和酒飲治筋骨折痛。同乾人尿塗金瘡，腸出鷄屎白滅癰痕塗蚯蚓毒并敷射工溪毒。鷄子敲孔合蛛蠍蛇傷。蠅螬尿瘡。鷄子清塗湯火灼傷。鷄子黃熬油塗亦效。并傳杖瘡已破。鷄子白皮貼斷舌有效。

鷄乃家鴈也。性能啖蛇及蚓。制射工故養之能辟蟲虺。肘后方云：人家養白鷄白鴨可辟食射工。其

毛其血皆效。又蒼鷺屎亦傳蟲蛇咬毒。又天鷲絨毛治刀杖金瘡貼之立愈。

猪耳垢治蛇傷狗咬塗之。猪齒研末亦敷蛇咬猪骨髓摩撲損神効。

狗腦治獐犬咬傷取本狗腦敷之後不復發。常狗肝同心腎搗塗狂犬咬並效。狗膽能破血。凡血氣痛及損傷者熱酒服半箇瘀血盡下乃愈。又治刀箭瘡狗頭骨煨灰止血接骨。尾毛灰亦敷犬傷。羊肉不拘生熟貼消傷腫。羊皮乘濕卧之散打傷。

青腫羊血治血悶欲絕飲一升即活羊乳灌蚰蜒
入耳飲之解蜘蛛咬毒羊鬚鬚燒灰和油敷蠅螬
尿瘡羊腦塗損傷肉刺羊腎作粥治腸破腸出先
以香油抹手送入煎人參枸杞子汁溫淋之吃羊
腎粥十日即愈羊肚治蛇傷手腫用新剝帶糞羊
肚割一口將手入浸即時痛止腫消羊角灰酒服
治打撲損傷羊屎罾竹刺入肉治箭鏃不出

牛骨髓傳折傷擦損痛甚者妙牛蹄甲治損傷能
接骨用乳香沒藥爲末入甲內燒灰以黃米粉糊

和成膏敷之牛口涎點損目破睛黃牛尿燒熱裹
跌磕傷損即效濕牛尿塗湯火燒灼熱牛尿敷惡
犬咬傷即時痛止牛尿燒灰和醋敷蜂蠆螫痛
驢溺浸蜘蛛咬瘡良又治狂犬咬傷多飲取瘡驢
耳垢刮取塗蠍螫

驢尿治打損破傷中風腫痛炒焦裹熨之冷即易
鹿角治傷損生用則散熱行血消腫熟用則補虛
強精活血鹿血治折傷狂犬傷

野豬黃止金瘡血野豬齒燒灰水服治蛇咬毒

羚羊肉南人食之可免蛇蟲傷

山羊血治跌撲及傷力失血神効出廣西左江生
得剖者心血爲上餘血亦佳如跳墜山谷跌死者
速剖之其血已凝力爲又次若遲取則仍甦復跳
躍去矣欲識真假取雞血半盃投山羊血一米粒
過宿血變成水或以久凝臭雞血一塊投入山羊
血過宿變成鮮血者真僞以大黃和碱假充掛水
不散給人古方亦有用者綱目失載誠缺文也
狐狸目治破傷中風狐肝亦効狐唇治惡刺入肉

搗爛入鹽封之雄狐屎燒灰油封亦出惡刺

山獺骨解藥箭毒水研少許敷之立消產宜州山
峒中一名挿翅性最淫毒山中有此獸諸北獸悉
避去蠻丁壯健者挾刃作婦人粧誘其來則扼殺
之峒獠甚珍重之然本地亦不常有
白獺髓去癰痕吳主鄧夫人爲如意傷頰血流啼
叫太醫云得白獺髓雜玉與琥珀傳之當滅此痕
遂以百金購得白獺髓合膏而痊但琥珀太多猶
有赤點如痣

牡鼠雄鼠也療踈折續筋骨生搗傅之三日一易
同猪脂煎膏治打撲折傷臘月以油煎入蠟傅湯
火傷滅癰痕極良五月五日用石灰搗收傅金瘡
神効鼠肝塗箭鏃不出鼠腦亦治針刺在肉不出
搗爛塗之卽出若箭鏑針刀在咽喉胸膈諸隱處
者同肝搗塗之

土坑治毒箭傷苗人以毒蛇含其矢鏃而燒其尾
毒氣聚於鏃尖中者必死治法先掘土坑用火燒
溫將人納其中以瓷片劃碎其體久之毒出自愈

樹膏、白露國有樹生脂膏極香烈名拔爾撒摩傳傷損一晝夜肌肉復合如故

吸毒石嶺南雜記云毒蛇腦中石也大如扁豆能吸一切毒腫今貨者乃土人捕此蛇以土和肉舂成大如圍棋子可吸蜈蚣蛇蠍等傷置患處粘吸不動毒盡自落其石卽以人乳浸之乳變綠色亟遠棄之著人畜亦毒也不用乳浸石卽裂矣一石可用數次真腦石置蛇頭不動爲驗

脆蛇奇物也本草不載方書罕錄先君子曾言此

蛇產雲南能接骨偶聞滇黔紀遊云出土司中長尺餘伏草莽間見人輒躍起跌爲數段少頃復合爲一色如白金光亮可愛悞拾之觸毒即斃其出入有度捕者置竹筒徑側彼以爲穴而入急持之則完緩則自碎故名脆蛇暴乾以去瘋癘罔不效也又可接斷骨價值兼金鄭燮脆蛇詩曰爲製人間妙藥方竹筒深鎖掛枯墻剪屠有毒餐無毒究竟身從何處藏可謂一證矣

木乃伊按陶九成輟耕錄云天方國有人年七八

十歲願捨身濟衆者，絕不飲食，惟澡身啖蜜，經月
便溺皆蜜。既死，國人殮以石棺，仍滿用蜜浸之。鎬
年月於棺，瘞之俟百年後起封，則成蜜劑。遇人折
傷肢體，服少許立愈。雖彼中亦不多得，亦謂之蜜
人。陶氏所載如此，不知果有否。姑附卷末以俟博
識。

按醫道乃仁術也，用藥須當慎擇，每使怪僻之物，
非惟厥疾不瘳，而禍不旋踵矣。本草綱目曰：北虜
戰場中多取人膽汁，傳金瘡，云極效，但不可再敷。

他藥必傷爛也。若先敷他藥，即不可用此。此乃殺傷救急之法。雖于理無害，若收斂者備用，未免不忍。君子不爲也。又聞西夷另有一教，生則誘其入夥，死則取其眼睛，以充藥物之用，更爲忍心害理，不可以爲訓者也。陳承曰：神農本經人部，惟髮鬚一物，其餘皆出後世醫家，或禁術之流，竒怪之倫耳。近見醫家用天靈蓋治傳尸病，未有一效。殘忍傷神，殊非仁人之心也。今傷科接骨方中，往往有用胎骨者，以爲居竒自眩，希圖厚利，殊不思古

人以掩暴骨爲仁德，每獲陰報而方伎之流心乎利欲，乃收人骨爲藥餌，仁術固如此乎？且犬不食犬骨，而人食人骨，是人而不如犬乎？父之白骨，惟親生子刺血漉骨上，即摻入。又酉陽雜俎云：荊州一人損脛，張七政飲以藥酒，破肉去骨一片，塗膏而愈。二年復痛，張曰：所取骨寒也，尋之尚在床下，以湯洗之，綿裹藏之，其痛遂止。氣之相應如此，孰謂枯骨無知乎？凡有用胎骨者，亦當警戒，世守斯術者，苟有他藥可易，則仁者之盡心也。

自跋

天下之物理無窮。人生之見聞有限。往往智盡。即以爲理止。猶以指測海。指竭而云水盡者也。夫醫何獨不然。方余之留意於傷科。而輯是編也。竊恐語之不詳。法之不備。缺然無以應人之求。於是乎汲汲焉。博採諸家之言。猶以爲未足。復求專門之學。踵叩其秘傳。既持方而辨藥石之醇疵。復指圖而審膏縈之中否。歲月既久。卷帙遂多。既具衆理之說。必有一得可觀。大抵引證辨論。非持虛耳不

備尤且患其不醇不備則如註書壁中而旨意欠明不醇則如談兵紙上而觀者不信所謂可觀者安在哉是故立法必歸之於正而道之左者刪之而無疑戴記云可言也不可行君子弗言也況不可宣之於口者又豈可筆之於書乎竊嘗持此以談醫則見有取骷髏以爲藥餌雖有效驗不仁而不可載也載數體以續人體雖有方書不經而不用載也效師巫而假鬼神雖有感應不信而不必載也崇符水之術惑世誣民雖有奇異不道而不

敢載也。執村媼之見，郢書燕說，雖亦偉中，不精而不足載也。至于割腸剖臆，刮骨洗腦等法，非神農家事，惟漢華陀有其術，不傳而無可載也。孔子曰：多聞闕疑，慎言其餘，則寡尤。區區之心，竊慕此耳。雖然，余之決擇，自以爲綦慎矣。庸詎知有識者視之，不以爲繁蕪而置之也。余之搜羅，自以爲殆遍矣。庸詎知有識者視之，不以爲疎畧而鄙之也。余之條分縷晰，自以爲句斟而字酌矣。庸詎知有識者視之，不以爲支離附會而棄之也。要之以余之

謗陋其難其慎所可自信者如斯而已若夫過出於不自知而術精於所熟習是以陶貞白仙人也而志沙苑則未詳狄僕射名臣也而治贅疣則甚捷可知處世莫難於著述成名當自有專家今余之輯是編也原以自考醫學之得失非敢就正於大雅君子也倘四方淹博之士不以疏愚忽之惠然憫其所不足而教其所不知則醫理庶不患其莫究而聞見將日益廣是又余之厚幸也夫是爲跋

晴川主人識

夫治病如逐寇料敵惟難用藥如
將兵機不可失刻六氣多乘四魔
日擾犯桃弧剋盾下能驅魃穴龍
門之克究是印百草品自軒多王
停費之素女而靈蘭已遠長梁云遙
不遇涪翁誰纂六微之首寓言屈子

空思九折之良乃在傷折傷雖並載
於周禮嗜傷損傷仍未見乎全書
內典外既不同科藥與症更難一
紀夫視一垣見心六孔識極分銖攻
於腠理曷能反正緒於元都播芳名
於綠籍哉且夫銀丸金液非徒美

名也玉字成書非易窺其奧也錄
著桐君未及黃環赤箭冊垂樊氏犀
疑漆葉青麤彼夫瘡蛇被獺侈怪
誕於方家癰柳針茅說詭奇如前
哲以及解顱理腦之才剖胃易心之技
事近不經聞之吓舌良以神在心手

豈徒驅草木之兵術寄針砭貴克起
膏肓之疾是故泥古方者無功執成
見者罔效唯得梁子意斯用藥如
神蛇疑入酒示弓影而頓釋沉疴
蟲號應聲讀雷丸而遂愈痼疾要
皆磨心切理極情立文方然肘後洵

值千金藥貯龍中妙法三品肱寧
三折敢希瞑眩之瘳致奏十全自
異混沌之鑿也

晴川胡君固陵逸客文定苗裔生以吳
慧志在活人募接骨之奇書心存濟世
續傳一奇之秘及祖德流芳功高三

世不愧堂名云博施一藝精通彙成書
集曰傷科恭閱圖編咸造古法精
研義理獨出新裁雖論專門之小道
足備全社之大用類增冊四門書成
十二局雅慕盧扁之術返魂勿藉神
香明帝和緩之蹤續帝堪憑湯

液用是撰奇金匱考覲太古之書奮
筆芝蘭以飲上池之水品奇珍之百
穴累黍之毫編良藥之第金鑑而
悉稱刀圭換骨長活丹灶之煙鐵石
延引共寶青囊之帙

嘉慶二十三年歲次戊寅黃公月朔

何和甫集

後跋

四

博雅堂

之三日大興周芝錦拜跋